

UNIVERZITET U TUZLI

Broj: 01-28-JN-13/19 LOT 1

Tuzla, 14.08.2019. godine

Na osnovu članova 69. 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, člana 9. Sporazuma o provođenju postupka zajedničke javne nabavke broj: 01-6114/18 od 02.11.2018. godine a nakon razmatranja Zapisnika Komisije o pregledu i ocjeni ponuda broj: 01-28-JN-12/19 LOT 1 od 21.06.2019. godine, Rektor Univerziteta u Tuzli donio je

## **ODLUKU**

### **o poništenju postupka javne nabavke**

#### **I**

Poništava se otvoreni postupak zajedničke javne nabavke Univerziteta u Tuzli, Univerziteta u Sarajevu i Univerziteta u Banja Luci za izbor najpovoljnijeg ponuđača za nabavku računara za potrebe Univerziteta u Tuzli (LOT 1) u cilju realizacije projekta "BENEFIT" iz razloga što su cijene svih prihvatljivih ponuda značajno veće od osiguranih sredstava za predmetnu nabavku.

#### **II**

Ova Odluka stupa na snagu danom donošenja.

#### **Obrazloženje**

Univerzitet u Tuzli pokrenuo je postupak zajedničke javne nabavke Univerziteta u Tuzli, Univerziteta u Sarajevu i Univerziteta u Banja Luci za nabavku računara u cilju realizacije projekta „BENEFIT“ za potrebe Univerziteta u Tuzli (LOT 1) putem Otvorenog postupka javne nabavke broj: broj: 01-28-JN/19 LOT 1- LOT 4 od 11.04.2019. godine i Odluke o izmjeni odluke broj: 01-28-JN-3/19 LOT 1 – LOT 5 objavljenom na Portalu javnih nabavki „E-nabavke“ broj: 795-1-1-22-3-51/19 od 10.05.2019. godine, web stranici Univerziteta i „Službenom glasniku BiH“ broj: 34/19 od 17.05.2019. godine.

U ostavljenom roku ponude je blagovremeno dostavilo šest ponuđača „Neutrino“ d.o.o. Tuzla u iznosu od 3.900,00 KM bez PDV-a, „Alf-om“ d.o.o. Banja Luka u iznosu od 7.400,00 KM bez PDV-a, d.o.o. „Network I“ Bijeljina u iznosu od 8.000,00 KM bez PDV-a, „Inter-com“ d.o.o. Zenica u iznosu od 6.897,70 KM (bez PDV-a), „Elur“ d.o.o. Kiseljak u iznos od 6.222,00 KM bez PDV-a i „Robert's plus“ d.o.o. Sarajevo u iznosu od 6.255,60 KM bez PDV-a.

Komisija za provođenje postupka javne nabavke pregledala je pristigle ponude i konstatovala da su ponuđač "Neutrino" d.o.o. Tuzla nije ponudio opremu u skladu sa uslovima postavljenim u tehničkoj specifikaciji tenderske dokumentacije u slijedećem:

- Zahtijevano je da se dostavi laptop koji ima 2x USB-C porta a ponuđen je uređaj koji ima 1x USB-C. Takođe, zahtijevan je Force Touch trackpad a ponuđen je Clickpad with multi-touch gesture support.

Zbog navedenog ponuda ovog ponuđača ocijenjena je neprihvatljivim jer ne zadovoljava minimalne tehničke zahtjeve postavljene tenderskom dokumentacijom.

Ostali ponuđači dostavili su ponude koje zadovoljavaju sve uslove i tehnički su prihvatljive. Međutim, cijene svih prihvatljivih ponuda značajno su veće od budžeta planiranog za ovu nabavku koji iznosi 5.386,00 KM bez PDV-a.

Zbog navedenog Komisija je dala preporuku Rektoruniverziteta u Tuzli da predmetni postupak javne nabavke poništi u skladu sa odredbom člana 69. stav (2) tačka e) Zakona o javnim nabavkama BiH.

Cijeneći izneseno te činjenicu da su u ovom postupku cijene svih ponuda značajno veće od osiguranih sredstava Rektor Univerziteta u Tuzli prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

Prilog: Zapisnik o pregledu i ocijeni ponuda broj:  
01-28-JN-12/19 LOT 1 od 21.06.2019. godine

DOSTAVITI:  
1x učesnicima  
1x a/a



REKTOR

Prof. dr. Nermina Hadžigrahić

*Nermina Hadžigrahić*